

EYEN-ERỌŃ ABASI

Eriyarare 5:1-14

ỌYỌHỌ UKPEP-ŃKPO 461

Eke Ikpọ Owo

IKỌ IBUOT: “Eyen-erọŃ emi ekewotde omotod ndibọ odudu, ye inyene, ye ifiok, ye ukeme, ye ukpono, ye ubọŃ, ye eridiọŃ” (Eriyarare 5:12).

I Ɗwed Emi Enyenede Ufik-ńkpọ Itiaba

- 1 Abasi ama akama ńwed emi ediande ufik-ńkpọ, Eriyarare 5:1; Daniel 12:4, 9
- 2 Ema ebup mbume, “Anie omotod ndikubọre ńwed emi”? Eriyarare 5:2-4
- 3 Lion emi otode ke Esien Judah amakan adaña nte enyenede ukeme ndikubọre ńwed oro nnyuń ndinare mme ufik-ńkpọ, Eriyarare 5:5; Mme Hebrew 7:14.

II Odu Uwem Eyen-ErọŃ

- 1 Ke ufọt Ebekpo, Eyen-erọŃ ada do, Eriyarare 5:6; 13:8; Isaiah 53:7; John 1:29, 36
- 2 Eyen-erọŃ ọbọ Ɗwed ke ubọk Abasi, Eriyarare 5:7
- 3 Ema ekpono enyuń etuak ibuot enọ Eyen-erọŃ, Eriyarare 5:8; 7:9, 10

III Obufa Ikwọ

- 1 “Afo omotod”, ekedi se obufa ikwọ akabañade, Eriyarare 5:9, 10
- 2 Mme angel ke Heaven ema enọ Eyen-erọŃ itoro, Eriyarare 5:11, 12
- 3 Kpukpru ńkpọ emi ekebotde ema etuak ibuot enọ Abasi ye Eyen-erọŃ, Eriyarare 5:13, 14.

SE EKPEPDE EBAÑA

Eriyarare

Ana edi esit John ama enem ke ini ke ini nte ekeyararede Jesus ke idaha ke idaha enọ enye. John ama okut Christ emi ọyọhọde ye ubọŃ ama onyuń okop Enye etińde ikọ. Enye ama ọbọ onyuń ewet mme etop emi ekenọde esok mme ufok-Abasi itiaba, enye ńko ama onyuń enyene utibe ifet emi akakande kpukpru ndikut Ebekpo Heaven nnyuń ńkut Abasi etiede ke Ebekpo. “Ebekpo edip ye inañ enyuń ekan ebekpo oro ekuk; ndien ke mme ebekpo oro mbiowo edip ye inañ etie, esine mfia ọfọńidem, enyuń eyara anyanya o-gold ke ibuot mmọ” (Eriyarare 4:4). Mbiowo ema edu emi ekekanarede Ebekpo ekuk ọkọrọ ye unam inañ kpa ńkpọ-uwem inañ emi ekekade iso enọ Enye emi etiede ke Ebekpo itoro ye ukpono ye ekọm.

John ama okut kpukpru, edi etop emi ekenọde enye ekedi, “Dọk di ken, ndien nyewut fi se idisude ke ini emi edidide” (Eriyarare 4:1). Ɗwed Abasi etiń ọnọ nnyin ete ke Abasi ebeńe mme ńkpọ emi onim ọnọ mmọ emi enyimedede enyuń enimde Eyen esie ke akpanikọ, ọnọ mmọ emi emade enyuń enamde ńkpọ enọ Enye. “Owo eke akande eyeda ńkpọ emi enyene; ndien nyedi Abasi esie, enye eyenyuń edi eyen Mi” (Eriyarare 21:7). “Mmọ eyenyuń ekut iso Esie; enyiń Esie eyenyuń odu mmọ ke ọkpọ-iso. . . ndien mmọ eyeda ubọŃ ke nsinsi-nsinsi” (Eriyarare 22:4, 5).

Kpukpru mmọ emi esinde ikot Christ, mmọ emi esinde ndinam ńkpọ nọ Enye, mmọ emi esọńde ibuot ye mbet Esie, ididuokke Heaven ikpọŃ-ikpọŃ, edi eyesobo ye ńkpọ kiet kpọt: oro edi nditak ke nsinsi, ke mkpọdiọhọ ikań. Ke ema ekenyene ifiok ebaña enyene-ndik ubiom-ikpe ye ufen idiok-ńkpọ, ye ata ifiok emi nnyin inyenede ibaña eritak ke nsinsi, ntak emi owo ekededi okpoyomde ndika iso ndu uwem idiok-ńkpọ? Ke ńkań eken, idara emi owo ọbọde oto ke ndidu uwem anditiene-Christ, ọkọrọ ye enọ Abasi, nsinsi uwem, ekpenyene ndinam owo ekededi anam ńkpọ ọnọ Christ ye Abasi.

Ɗkukut John

Ke ofuri ini Eriyarare emi, John ama okut Ɗwed ke ubọk nnasia Anditie ke Ebekpo emi ewetde ke esit-esit ye ke edem-edem, emi enyuń edade ufik-ńkpọ itiaba efik. Abasi ọkọnọ Eriyarare emi ndiwut mme asaña-utom Esie mme ńkpọ emi ediwọrọde esu ke ibio-ibio ini, edi ńwed emi ekedade ufik-ńkpọ edian eketie nte ńkpọ-eke akanamde emum erinyaña oro ekama kaña. ỌkpọsọŃ angel kiet ama ọkwọrọ ke ọkpọsọŃ uyo

ete, “Anie omodot ndikubore n̄wed emi, ndinyuñ ndianare mme ufik-ñkpọ esie?” Idighe odudu ke ekeyom ndida ndianare mme ufik-ñkpọ oro, edieke ekpedide ntre, ọkpọsọñ angel oro okpokodot ndikubore N̄wed oro.

John ama atua eti eti koro ikoduhe owo, kpa ye idem mme angel Abasi emi ekekemedede ndidianare mme ufik-ñkpọ nnyuñ ñkubore N̄wed oro. Edieke N̄wed emi okpokosuk ọkubode ntre, ufọk-Abasi, ererimbot, ye Heaven ikpọkọbọhọ etop emi okodude ke esit esie. Ediwak owo ekere ete ke N̄wed emi ama enyene ñkpọ ndinam ye ekọm-urua erifak owo. Akana nte enam uduak Abasi ke ndinyaña ubon owo nsio ke idiọk osu mbemiso ekeme ndidianare mme ufik-ñkpọ oro.

Nte John osuk atuade, kiet ke otu mbiowo ama ọwọrọ edi ye etop ndọnesit ete, “Kutua; sese, Lion emi otode ke esien Judah, kpa Oruñ David, amakan, adaña nte enyenede ukeme ndikubore N̄wed oro nnyuñ ndianare mme ufik-ñkpọ itiaba.” Mme ikọ n̄wed Abasi ekeme ndibuk ọfọn akan mme utibe-ñkpọ emi John okokutde: “Ndien ñkut ke ufọt ebekpo, ye ke ufọt ñkpọ-uwem inañ, ye ke ufọt mbiowo, Eyen-erọñ adade do, nte ñkpọ eke ekewotde Enye; Enye onyuñ enyene nduk itiaba ye enyin itiaba, emi edide mme Spirit Abasi itiaba, emi esiode edọñ ke ofuri isọñ.” Enye ama ọwọrọ edibọ N̄wed ke ubọk Enye emi etiede ke Ebekpo.

Se Idotde

Nso ikanam Eyen-erọñ odot ndibọ N̄wed nnyuñ ndianare mme ufik-ñkpọ oro? Nte nduk itiaba Esie akanam Enye odot? Ntak nduk itiaba emi Eyen-erọñ ekenyenede ama owut ete ke Enye ọkọyọhọ ye odudu, adaña nte nduk edide idiọñọ odudu, ñko itiaba edi ọyọhọ ibat ñkpọ ke Ikọ Abasi. Me nte enyin itiaba, Spirit Abasi itiaba; ekeme ndidi se inamde owo odot? Emi ñko edi ọyọhọ ibat ñkpọ ndiwut ifiọk, ikike ye ọniọñ. Mme uduot emi edi se miwakke ndidu enyuñ edi utibe, ndien mmọ enyene itie ye ntak mmọ; edi mmọ emi idighe mme ñkpọ emi ekenamde Eyen-erọñ odot ndidianare mme ufik-ñkpọ. “Anie omodot ndikubore n̄wed?” Jesus Christ, Lion, Eyen-erọñ ọwọrọ edi! Ke akpa eridi Esie, Enye ekedi Eyen-erọñ ndiwa Idem Esie ke ntak mme idiọk-ñkpọ nnyin (John 1:29). Ke eridi Esie ọyọhọ ikaba, Enye edidi Lion, ọkpọsọñ ye okop-odudu, ndikara nnyuñ nda ubọñ.

Edi itie Christ nte Eyen-erọñ uwa Calvary, anam Enye odot ndibọ n̄wed nnyuñ ndianare mme ufik-ñkpọ. Mme ñkpọ-uwem inañ ye mbiowo edip ye inañ ema eduọ ke iso Eyen-erọñ etuak ibuot ke uteñe ye ukpono. Obufa ikwọ ama ọyọhọ ofuri inua-otop Obio Ubọñ. Akwa ndibe ñkpọ Abasi efen ama ebeñe idem ndiyarare. “Afo omodot ndida n̄wed, ndinyuñ ndianare mme ufik-ñkpọ esie; koro ekewotde Fi, Afo ama onyuñ ada iyip Fo osio owo ke kpukpru esien, ye usem, ye obio, ye idut, afak mmọ ọnọ Abasi; omonyuñ anam mmọ edi Obio Ubọñ ye mme oku enọ Abasi: mmọ eyenyuñ eda ubọñ ke isọñ.” Se obufa ikwọ akakamade ama ọyọhọ mme angel ye odudu, koro ke ndo-ndo oro, tọsin ke tọsin mme angel ema emenere uyo ndikwọ ñwut idara mmọ ete, “Eyen-erọñ emi ekewotde omodot ndibọ odudu, ye inyene, ye ifiọk, ye ukeme, ye ukpono, ye ubọñ, ye eridiọñ.”

Mmọ Emi Efakde

Enam eriyarare ke ebiet emi nte idiọñọ ke abaña ñkpọ-uwem inañ ye mbiowo edip ye inañ: mmọ eda enọ mmọ emi efakde ke isọñ. Kere nte itie mmọ okoñde ke Heaven: mmọ edada ekanare Ebekpo Abasi ekuk, etak ke ndinọ itoro nnyuñ ntuak ibuot nnọ Enye. Itie ye idaha eke mmọ edade edi sia Jesus Christ okoyimede ndinọ uwem Esie man efak mmọ.

Owo kiet-kiet enyene udeme ke uduak ye ikot erifak, edi mbon emi eyerede ikot enyuñ eyode tutu osim akpatre ikpọñ ke edinyaña. Ubon owo ama abiara oto ke ediduọ nduk ke idiọk, ye unana idorenyin ndifiak ntiene Abasi, ibọhọke oto ke uduak Abasi. Mme owo eyom ke nsio-nsio usuñ nte ekpenyenede erinyaña eke idem mmọ, edi emi edi ikpikpu ibọhọke Jesus Christ edi Andikpe-ubọk nnọ owo. Enye edi ñkukure Ekpe-emem ke ufọt Abasi ye owo.

Emi edi usuñ Abasi, ndien edinam emem Christ owut odudu ọnọ anana-ibat owo emi enyimede Enye, ñko ekese owo efen ekeme ndidi ntiene Enye edieke mmọ enyimede. Nte esit nnyin ikpọyọhọke ye itoro, ke nnyin ikerede ibaña mme ñkpọ emi? “Koro mbufo emefiọk mfọn Ọbọñ nnyin Jesus Christ, ete, okposuk edi nte Enye ekedide enyene-ñkpọ, ke ntak mbufo Enye akabare edi ubuene, man oto ke ubuene Esie mbufo ekabare edi mme enyene-ñkpọ” (2 N̄wed Corinth 8:9). “Mmọñ ñka ñkotim itie nnim nnọ mbufo. Ndien edieke ñkade ñkotim itie ntre nnọ mbufo, nyefiak ndi ndida mbufo nnọ Idem Mi; man mbufo enyuñ edu ke ebiet eke Ami ndude” (John 14:2, 3). Ukpep-ñkpọ nnyin ebem iso owut itie ubọñ oro eketimde enim ọnọ nnyin. Nnyin imakama Jesus isọñ ke kpukpru ñkpọ.

Ke akwa usen oro Jesus ọkọwọrọde ada ndibọ Nwede, mme nkpo-uwem ema ekwo itoro, mbiowo ema edian uyo ke obufa ikwo, mme angel ke Heaven ema emenere uyo ekwo akwa idaha Esie emi Enye odotde, kpukpru se ekebotde ema ediana kiet ndituak ibuot. Eyak nnyin itoro Enye nko! “Yak kpukpru nkpo eke eduokde ibifik etoro Jehovah. Mbufo etoro Jehovah” (Psalm 150:6).

MME MBUME

- 1 Nso ekedi esen nkpo emi akabañade Nwede oro Abasi akakamade ke ubok nnasia Esie?
- 2 Anie okodot ndikubore Nwede?
- 3 Nso enyiñ iba ke eno Jesus ke ebiet emi?
- 4 Tiñ wut mme edinam nkpo-uwem inañ ye mbiowo edip ye inañ oro?
- 5 Nso idi ukot obufa ikwo mmọ?
- 6 Mme angel ifañ ekedian uyo nditoro Eyen-eron?
- 7 Ewe otu efen eketiene ebuana ke emi kpukpru owo eketuakde ibuot ntem?